



Inatsisartuni ilaasortaq Saxtorph Didriksen, Siumut.

Aatsitassanik suliassaqarfimmi pikkorissartitsinernut tunngatillugu apeqquut nr. 114-imiittunut akissutit

Inatsisartut suleriaasianni § 37, imm. 1 naapertorlugu aatsitassanik suliassaqarfimmi pikkorissartitsinernut tunngatillugu Naalakkersuisunut ataani apeqquutit saqqummiussimavatit. Apeqquutit suliassaqarfigisanni akineqartussanngorlugit innersuutaapput.

Apeqquutinut matuminnga tunngavigisassamik saqqummiussisoqarpoq:

Ukiuni makkunani aatsitassarsiornerput eqqartorneqartorujussuuvoq assullu paaserusunnarpoq inuiaqatigiit peqataalersinnaanissaat aammalu peqataanissaanut suliniuteqartoqarneranik nunaqavissunik sulilersussanik, ilaatigut nunaqavissunik sulisoqarnissaq assut pingaartinneqarluni tupinnanngitsumik.

Soorunami nunaqavissunik aamma ilinniartitsinissat siunissaq ungasinnerusoq isigisariaqarmat nunami maani nunarput qimanngikkaluarlugu aatsitassarsiornermut aammalu nunaqavissut akisussaaffinnik qaffasissunik peqataalersinnaanissaat angusariaqakkat ilagimmassuk.

Apeqquut:

- 1. Nunarput tamaat isigalugu aatsitassarsiornermissatsinnut inuit pikkorissarnikutukiuni kingullerni tallimani qassiuppataammalu pisortat aningaasaligaannik aatsitassarsiornermissamut peqataanissaminnut qassit piukkunnarsarneqarsimappat?**

Akissut:

Kalaallit Nunaanni aatsitassaqqarfiusup inuussutissarsiutitut nammatsisunngortinnissaannik Naalakkersuisut anguniagaqarput. Taamaattumik nunatsinni suliffeqqarfiit piginnaasaannik piginnaanngorsaannermik ineriartortitsinermillu siunertalimmik anguniagaqqarfiusutut iliuuserisaq 2012-imi 2013-imilu ingerlanneqarsimavoq, taamaalillutik aatsitassanik suliffissuaqqarfiusumut piginnaasaqartutut pilersuisunngorsinnaalissammata. Taamatut pingaartuutit iliuuserisaq nunatsinni suliffeqqarfinnut, suliniutinut angisuunut aamma aatsitassalerinermik suliniutinut pilersuisooqataannermik kissaatigisaqartunut immikkut ittumik siunnersuinnermik pilersuinnermut tunngasumik sullissinissamik isumaqatigiissutitut ilusilerlugu atuutsinneqarpoq.

5. juni 2014
Sagsnr: SJ-STD-BJSV
Dok.nr: 15447862

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: islin@gh.gl
www.nanoq.gl

2012-imi GAP-imik misissueqqissaarineq ingerlanneqarpoq, taassumalu aatsitassarsiornermik suliffissuaqarfiup piginnaasat piumasaasa, aammalu ullumikkut nunatsinni suliffeqarfiit piginnaasatut neqeroorutigisinnaasaasa akornanni naapeqatigiinngitsut nasuiarpaa. GAP-imik misissueqqissaarinermi inernerisat tunngavigalugit aatsitassarsiornermik suliffissuaqarfimmit siunissami piginnaasat piumaneqartussat nukittorsarnissaat siunertaralugu nunatsinni suliffeqarfinnik ineriartortitsinissamik sammisaqartumik pikkorissartitsinermik ingerlassat aaqqissuunneqarsimapput. Tamanna nunatsinni suliffiit suliniutinut angisuunut aatsitassarsiornermillu suliniutinut akitigut pitsaassutsimullu tunngatillugu unammillersinnaasutut pilersuisooqataalernissamat periarfissaannik pitsanngorsaassaaq. Taamaalillutik ullumikkut sulianik ilinniarfinni pikkorissartitsineritut neqeroorutaasunut pikkorissartitsinerit ilassutaalerput.

2012-imi aamma 2013-imi nuna tamakkerlugu suliffeqarfinnit 326-nit tamakkiisumik inuit 410-t nalunaarsimapput.

PKU – Ilinniagaqarsimannngitsunut piginnaasanik ineriartortitseqqinneq

Ilinniagaqarsimannngitsunut piginnaasanik ineriartortitseqqinnermi (PKU-mi) sulisartuusuni ilinniagaqarsimannngitsut, imaluunniit inuit siunissami siuarsarfiusussanik naatsorsuutigisaqarfinni piginnaanngorsarnissamik pisariaqartitsisut piginnaanngorsagaanerinik ilaqarpoq. Siullermik 2008-mi aatsitassaqaqarfiup iluani PKU-mi pikkorissartitsinerit neqeroorutigineqarput.

Aatsitassanik Ilinniarfik 2014-imi 13.768.237 kr.-nik tapiissutisivoq, taakku piginnaanngorsaanermit atugaassallutik Maskinførerititut pikkorissartitsinerup, Surface Miningip, Common Corep, Riggerititut pikkorissarnerup, qamutitut qillerutitut pikkorissartitsinerup, Diamond Core Drillingip il.il. iluini. Pikkorissartitsinerit taakku ilinniagaqarsimannngitsut aatsitassanik suliassaqaqarfiusup iluani suliffinnik isumaginnissinnaatilerpaat.

Ataani piffissami 2008-2014-imi PKU-mi pikkorissartut amerlassusaat, kiisalu sap. akunneri pikkorissarfiusut amerlassusaat ipput:

PKU 2008-2014 suliarisanut kisitsisit

	Pikkorissartut amerl.	Sap. ak. pikkorissarfiit
2008	17	10
2009	46	30
2010	41	26
2011	107	58

2012	101	44
2013	121	58
2014	200 (amerl. naatsorsuutigisat)	58

Qulaani iliuitsit tunngavigalugit aatsitassanik suliaasaqarfiusup iluani suliffinnik isumaginninnissaminnut nunatsinnit sulisartut suliffiillu piginnaasaqalissapput.

2. Aatsitassarsiornissarput eqqarsaatigalugu pimoorussamik pikkorissaanissaq ilinniarnissarlu ataavartumik ingerlasusseq siunertaava?

Akissut:

PKU-mi iliuuserisap nunatsinni sulisartut ilinniarsimangitsut aatsitassanik suliaqarfiusumi taassumalu akornani takkuttussatut siuarsakkatut inuussutissarsiorfinni immikkut ilinniarsimasutut sulilernissaat siunertaralugit anguniagaqarfiusumik piginnaanngorsaanissaq isumannaarpaa. Piffissamut ungasissumut suliffeqartitsinissamik pilersaarutip ilaatut aatsitassarsiorfimmi suliffinnut nunatsinnit sulisartut piginnaanngorsarnissaannut iliuuserisamik sakkortusaanissaq Naalakkersuisut siunniussimavaat. 2015-imiilli pikkorissartitsinermik suliarisat annertusisat aallartisarneqassasoq naatsorsuutigineqarpoq.

Nunatsinni suliffeqarfinnut 2014-imi pikkorissartitsinerit pilersaarutaapput, tassalu isumannaallisaanermi tunngaviusut, aatsitassarsiorfimmi isumannaallisaanermi, avatangiisini aamma suliffimmi avatangiisini, kulturimi niuernermilu, neqeroortitsinermi isumaqatigiissutinilu il.il. iluini. Pikkorissartitsinerit aallaavigalugu ullunik 1-3-nik sivisususeqassapput. Isumannaallisaanermut, avatangiisinut pitsaassutsillu isumannaarnissaanut tunngatillugu pikkorissartitsinernut siunertaq tassaavoq nunani tamalaani atorsinnaasamik akuersissutisinissamut tunngatillugu ingerlassami tamarmi najugaqarfimmi suliffeqarfinnik ikiuinissaq.

Inussiarnersumik inuulluaqqusillunga



Jens-Erik Kirkegaard